

تاریخ عثمانی انجمنی

مجموعہ سی

ایک آیدہ بر نشر اولنور. تاریخ عثمانیہ عائد مقالاتہ صحیفہ لرمنر آچقندر. درج
ایدلیان مقالات صاحبنہ اعادہ اولنہ بیلور .

برنامہ ایمپراطوریدہ قدس قراللی و مالطہ شوالہ لری
باشیوغللی القاب رسمیه لرینک حکومت سنیہ جانندن { عبدالرحمن شرف
اعتراضہ اوغرا دیقنہ دائر و ثائق
علمدار مصطفی پاشا (مابعد) افضل الدین
مورہ لی السید علی افندیکنک سفارتنامہ سی ***
احمد ثالث دوربنہ دائر مادام مونته کونک مکتوبلری . احمد رفیق
طاشور تاریخچہ سی موسی کاظم
خبرہ سی باشی احمد پاشا (بونوال) عارف
متنوعہ : سلیمان قانونینک وصیتنامہ سی - مراد ثالثک مہری عثمان فرید
تفرقہ : استانبول فتحنامہ سی (مؤلفی تاجی زادہ جعفر چلی) ***

فیثائی ہ غروش

مرجعی — باب عالی تاریخ عثمانی انجمنی

ایونہ قیدی ایچون انجمنہ مراجعت اولنور

انجمن عثمانیہ

مطبعہ عثمانیہ

۱۳۳۱

خبرہ جی ہاشی احمد پاشا [ہونوال]

[اون طقوزنجی نسخہ دن مابعد]

صدر اعظم عبداللہ پاشا پک آز مدت صوکرہ استانبولہ عودت ایدہ رک عزل اولندی [۲۱ شعبان سنہ ۱۱۵۰] . یرینہ نصب اولنان یکن محمد پاشا احمد پاشانک تشویقہ راقوجی نک اوغانی استانبولہ جلب ایدہ رک مملکت اردلک فتح و تسخیرینہ نامزدہ ایلہ و دین شہری جانبہ ارسال ایلدی . احمد پاشا دخی یکن محمد پاشانک اوستریا دولتی علیہنہ اجرا ایلدیکی سفردہ بولندی . لکن نہ راقوجی اوغلنک جلب واعزامدن ، نہدہ احمد پاشانک دولت مذکورہ حقندہ کی صورتندن استفادہ حاصل اولدی .

احمد پاشا اوردو ایلہ استانبولہ عودتندہ اخیراً اکتساب ایتکہ باشلیدی نقوذک دخی محو اولدیغی کوردی . چونکہ باب عالی احمد پاشانک مہیتی آکلامش و آتی تماماً اہمال ایلش ایدی . براز مدت صوکرہ معتندہ کی خبرہ جیلرک عصیان بہانہ سبیلہ قسطنونیہ نفی و تقریب ، عہدہ سندہ اولان خبرہ جی باشلیق میرزا علی پاشا نامندہ برکسہ یہ توجیہ اولندی [۱۱۵۲] .

احمد پاشا برسہ بہ قریب مدت قسطنونیہ قالدقدن صوکرہ استانبولہ جلب ایدیلہ رک مأموریت قدیمہ سنہ اعادہ ایدلدی . وفاتہ قدر اشبو مأموریتی محافظہ ایتدی ایسہدہ باب عالینک کندینہ قارشی اخیراً اتخاذ ایلدیکی معاملہ اہالیہ دوام ایتشد . مدت مذکورہ ظرفندہ امور سیاسیہ دولتہ قاریشد برلامش ، یالکز مأموریتی واوروپادہ سرزدہ ظہور اولان حادثات سیاسیہ دائر صورت منتظمہ دہ باب عالی یہ راپورلر تقدیمی ایلہ مشغول اولشدر . وفاتی ۱۱۶۰ سنہ سندہ در . غلطہ مولوی خانہ سی یانندہ کی قبرستاندہ مدفون در . احمد پاشا تورکجہ بہ واقف دکل ایدی بوندن طولای تقدیم ایلدیکی

لایحه وراپورلری فرانسزجه یاخود لاتینجه قلمه آلیر ، دیوان ترجمانی و سائر ذوات واسطه لریله تورکجهیه ترجمه اولنور ایدی .

تقدیم ایتدیکی لایحه لر دن برینک ترجمه سی صحافر شیخی زاده اسعد افندی کتبخانه سنده در [نومرو: ۳۸۸۹]. لایحه مذکوره اوروپا وقوعات سیاسیہ سنک ۱۱۱۳ سنه سندن اوستریا ایمپراطوری آلتیجی شارل [قارالوش] لکوفاتنه [۱۷۴۰ م ۱۱۵۳ هـ] قدر اولان قسندن مختصراً و آندن صوکره حادث اولان اوستریا وراثت محاربه لرندن واسپابندن مفصلاً باختر . دولت عثمانیه نك او انشاده سـجلیاتین دولتی ایله عقد ایتدیکی معاهده واسپانیا حکومتی ایله پیدا ایلدیکی مناسبات حسنہ خصوصاً برینه بولایحه نك پك زیاده تأثیری اولدینی آکلاشیلیور . کتبخانه مذکوره ده (اجمال السفین فی بحار العالم) نامنده دیگر بر اثر دهاواردر [نومرو: ۲۰۶۲].

اوروپا دولترینك قوای بحریه لرندن صورت مفصله ده باحث اولان مذکور ائرده اوستریا دولتی و پرنس اوژن دوساواوا حق لرندہ پك زیاده عداوتکارانه بیاناتده بوللمسنه نظراً بونك دخی احمد پاشانك اثر قلمی اولان بر لایحه نك ترجمه سی اولدینی آکلاشیلیور . متن ائرده اسپانیا قرالی بشیجی فلیک صوکر زمانلرنده اجرا ایتدیکی محارباتدن بحث ایدلمسنه نظراً کتابك [۱۷۴۶ م ۱۱۵۹ هـ] سنه سنده تحریر ایدلدیکی مستبان اولیور .

تصنیف ایدلمکده اولان اوراق و وثائق عتیقه آراسنده دخی احمد پاشانك باب عالی یه تقدیم ایتدیکی مذکور راپورلرک صورت مترجمه لری کورلمکده در ، بولنردن ایکی عددی بروجہ زیردر :

سر خبره جیان احمد پاشا قوللرندن کلان حوادثدر فی ۸۱ سنه ۱۱۵۹

انابولی جانبندن بودقه ورود ایدن حوادثانك خلاصه مفهومی خاکبای دولترینه عرض واعلام اولنور بوندن اقدم بحار قرالیجه سیله سقویه هرکی بیننده واقع مصالحه نك عقدندن صکره بحار قرالیجه سی هرک مرقومه دوستلق مقابله سنده تعهد ایلدوکی بعض یرلرک رد وتسلیمنده تطل بومثللو مطالبه نك

فیصلی چه ملک‌تک علی‌الموم رجالی رأینہ موقوفدر دیوقرالیچہ مشارالیا جابندن جواب ویرلدیکنندن سقونیہ هرسکی بویله جوابدن دلکیر اولوب قرالیچہ موی‌الیا علیهنده اولدینی وبوخصوصده سقونیہ رجالی دخی خاطر مانده اوللریله خاصه قصدنده اولدقتری وچندروز مقدم خاکپای عالیترینه اعلام اولنان اخبار و آثار بودفمه تصدیق اولنوب فقط مأخوذاولان فیاندره‌نک [۱] بروکلس [۲] نام‌باش شهری جنک‌ایله النیوب ویره ایله اخذ اولندینی متحققدر وقرانجه پادشاهی‌اشبو موسم بهارده آنورسه [۳] نام‌فیاندره‌نک شهر معظی محاصره‌سنه توجه‌ایلك اوزره اولدینی وفلمنک جمهوری کندو امور وخصوصلرینه هنوز قرار ویره‌میوب رجالنک بعضیی جنک وجداله وبعضیی عقد صلحه میل ودول سائره‌نک کیفیتلری مجدداً پذیرای اختلال اولوب برینک عقد صلحی وجود پذیر اولزدن اول برینک تدارک سفریه‌سی ظهور وبونلرک اشبو وقت اختلافنده یالکز فرانجه دولتی غیرت بی‌قیاس ایله حرب و قتاله مداومت وکسب منافع مبادرت ایتمکده در واتالیا ملککنده موجود فرانجه واسپانیہ وسپلیاتین عسکرلرینک عددی نجه‌لویه قیاساً وفرت اوزره اولوب دشمن عسکرینی میلان حوالیسنندن طرد ایتملردر ودون فلیوش نام اسپانیہ قرال زاده‌سی میلان قلعه‌سنی محاصره ایلك تدارکنده اولوب پدری اسپانیا قرالی جابندن کندویه اون ایکی بیک کبسه نقود ایله مجدداً اعانت اولندینی پاشای موی ایله بنده‌لری تحریر ایدر

سرخبره‌جیان احمدپاشا قوللرندن کلان‌حوادثدر فی ۲ ج سنه ۱۱۵۹

بچدن تحریر اولنورکه انکلتره قراللفته طالب اولان قرال زاده کلی انهرامه دوش اولدوغی تحقق ایتدی بوتقدیرجه انکلتره قرالی بر عظیم غائله دفع ایتمس اولور فیاندره‌دن کویا فرانجه قرالک اوردوسندن ماه مایک بکرمنچی کوننده تحریر اولنورکه فرانجه قرالک خصاسی اول‌دیارده واقع مالینه ولواین نام ایکی باره شهر وقلعه‌بی محاصره خوفندن ناشی تخلیه ایدوب حالی ترک ایتدیلر فرانجه طرفندن ینه فیاندره‌ده واقع آنورش [۴] نام‌قلعه جابینه حرقرایله وانهار ایله عظیم مهمات حربیه وزواد وذخائر طاشندی قلعه مرقومه اگرچه متینه ولکن غایت واسعه اولغله عن اقل محافظه‌سی بکری بیک عسکره محتاج ایکن دروننده موجود آنجق ایکی بیک جنگبی بولمغله فرانجه طرفندن سهولت ایله اخذ وضبط اولندی

[۱] فلاندره

[۲] بروکسل

[۳، ۴] آنورس

بو تقدیرجه فیاندرده ده موژا نام نهر اوزرنده واقع ایکی پاره قلمه دن و دیگر مونس دیدکلی قلمه دن غیري تماماً فیاندره اولک هسی فرانجه لونک ضبطنه کیرمش اولدی فلمنکلور بوندن اقدم چنک اوزره بولنان فریقینک هیچ برینه قارشامق اوزره رأی وتدیر ایتلر ایدی ولکن انکلتره قرالغه مدعی اولان قرال زاده نك انهرای واقع اولور ایسه مرقومون فلمنکلور انکلتره قرالنه طرفکیر وفرانجه لویه ضد وعدو اوله جقلمی ظن غالبدر نهر رنوش طرفلرنده عسکرلرک حرکتی و حرب و قتال اوله جنی متصور دکلدز زیرا جرمانیانک آباق آلتی اولان مملکتلرینک پرنج بکلی برجانیه طرفدار اولامق وفرانجه اوزرینه عسکر کوندرمامک اوزره اتفاق ایتدیلر مرقومون پرنج لرک بوکونه اتفاقلرینی فسخ والفاده مجار قرالیجه سی وار مقدوریه دامن درمیان ایتدیلر پروسیا قرالی عسکرینی تکشیر ایدوب یوز قرق بیکه بالغ اولشدر دیرلر بو کیفیت دخی مجار قرالیجه سته کران کلوب عظیم کدر ویرمکده در ولکن قرال مرقومک ممالکی حدودینه قریب لیوونیا مملکتنده مسقو چارنجه سنک کلیتی وحاضر وآماده عسکری وار ایکن قرال مرقومک بر طرفه حرکتی متصور دکلدز ایتالیا طرفندن کلان کاغدلرده قودوغنو نام محله ده که میلانو قلمه سته قریبدر اسپانیا عسکری مجار قرالیجه سنک عسکرینه غلبه ایتدوکی خبر تصدیق اولنش خبر مرقوم برقاچ کون مقدم اناپولی طرفندن ورود ایلش ایدی ایتالیا ده سرعکر اولان اسپانیا قرال زاده سی دون فلبوشه فرانجه واسپانیا طرفلرندن مبالغه چوق امدادجی عسکرورود ایلدی بر مقتضای عقل و فراست مجار قرالیجه سنک وساردنیا قرال نك عسکرلی بومقدار فرانجه واسپانیا عسکرلریله مقاومت ایتک حد امکاتده دکلدز مکر تقدیر ازل تعلق ایتماش اوله ساردنیا قرالندن مقدما ایتدوکی خیانت انتقامن آلتی داعیه سیله یالکر فرانجه قرالی طرفندن دون فلبوش قرال زاده اعانتته قرق بیک فرانجه عسکری ترتیب اولنش حالاله قرالی اولان سقونییه دوقه سی بوندن اقدم فلمنکلوره تمهد ایتدوکی اون ایکی بیک امدادجی عسکری کوندرمه دن رجوع ایلش وبجده اولان ایلچینه دخی عودت ایده دیوتنبیه ایلش ایلچی مرقوم بجده سرکاتینی قویوب کندوسی سقونییه عودت ایلش مجار قرالیجه سی دخی مرقوم سقونییه دوقه سنک معیتنده اولان ایلچینی عودت ایتدیردی بوکونه برودت آمیز معاملات باعث بو اولدی که سقونییه دوقه سی طرفینه طرفدار اولامق اوزره فرانجه قرالیله ایتدوکی اتفاق یولو دوستلق مجار قرالیجه سته خوش کلیوب دوقه مرقومک معیتنده اولان ایلچینه خبر کوندروب دوقه مرقومه تفسه ومالکته نسبت اولی وانفع اولان اوشریا خاندانه وبخصوص امپراطورلنک خاندان جدیدینه امداد واعانتته بولمق ایدوکن افاده ایل دیوتنبیه ایلدی بومعنا ی توبیخ وسرزنش

آلودی ایلیچی، مرقوم دوقه مرقومه افاده ایله کده دوقه یه کران کلوب ایلیجینی عودت ایتدیرمه بادی اولدی و ایپریوم پرنچلرندن برنجیلهری دوقه مرقومه مامشات ایتدیلر و خفی اولیه که دوقه مرقوم وسائر ایپریومده یعنی دائره دولت چاساریه ده بولنان دوقه لر و پرنج بکلر جله سی امورلر زنده مستقللردر چاسارلره محکوم دکللردر قالدی که چاسار اولتارک صراحه خلافتده اوللری ممنوعانددر ولکن کندو فائده لری ضمنتده دائره دولندن خارج اولان ملوک و دول ایله دوستقلری و اتفاقلری ممنوعاندن دکلدر مادامکه چاسارک صراحه خلافتده اولیه بناء علیه مجار قرالیجه سی بومثللو پرنچلره و بکلره بالدفعات کاغدلر یازوب بوللری کندوسنه امداد ضمنتده فرانجه اوزرینه تحریک ایلدی مرقومون دخی فرانجه اوزرینه حرکت ایتدکلری حالده اکثرینک مملکتلری فرانجه حدودی قرب و اتصالده بولندوغی ایچون کندو مملکتلرینی کندو الریله خراب ایتک اقتضایدر دیو یأس جوان ویردیلر بوجله دن صکره مجار قرالیجه سی فرانجه عسکرینی مرقون پرنچلرک مملکتلرینه جرجلب و بوللری خواه و ناخواه کندو مملکتلرینی محافظه ایچون فرانجه لوالیه جنکه مجبور قلمق فکریله نهرنوش طرفه برکروه عسکر کوندردی دیو حوادثلرده تحریر اولنمش باقی اصرا و فرمان من له الامرا کدر

محمد عارف